

KIGANO CHA KALE

T.S.Y. Sengo (Mwanafunzi wa Maisha)

Hapo zamani za kale, kale za utangutangu
Paliishipo kivele, "kivele wewe ni wangu"
Wakakaa kama pale, pale penye pingupingu
Waketi kinyelenyele, kinyelenyele cha nungu
Lengo ni kufanya kile, kile cha kukata pingu
Pingu pingitile pingu, kwa nungu na msumeno.

"Kwa nungu na msumeno, pingiti liwe mapingu
Tuachane na maneno, tuzalishie mafungu"
Kwisha hicho.kijineno, kijineno cha mipangu
Ilianza kazi nono, nono kumshinda changu
"Wewe bwana shika kuno, kuno kama vile kwangu
Tuishize ndima hii, tusogee twende mbele".

Tusogee twende mbele, mbele kunako uzima
Mwenyecho kihelhele, moto ule kauzima
Gogo kalitoa pale, chini likenda kuzama
Mwenzi kaita "Kivele!", iwapi haki ya umma?
Mwili ujaa upele, kauli hakuisema
Mwenziwe anayo hina, yeye kaishika inda.

Yeye kaishika inda, kengia nayo jikoni
Mafiga akayapanda, chungu kaweka mekoni
Chakula akakiranda, kala na wake mezani
Moto akaufurunda, vipikio aridhini
Kwishapo akayanena, haya nawe ukapike.

Haya nawe ukapike, ushike na msumeno
Kihele kibaki peke, niaze si mfanano,
Watazamaji pwekeke, mezama wauma meno
wamsaili kivele, ni wewe ufanya vino?
Jawabu ni tahayuri, kwa buyule kupasuka.

Kwa buyule kupasuka, vipande kutapakana
Mkweli kapawa shoka, kazize na zote zana
Watu wote kimshika, wamba ni hivyo kazana
Hakuna kilomwagika, si usiku si mchana
Na ngano isila hano, Nyoka pigapo nyengine.